



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-49-2-58/16

Datum: 07.01.2016. godine

Na osnovu člana 12. stav 3. Odluke o organizaciji i sigurnosti saobraćaja na cestama ("Službeni glasnik općine Tešanj", broj: 3/10 i 1/12) i člana 30. Statuta Općine Tešanj ("Službeni glasnik Općine Tešanj", broj: 11/07), a imajući u vidu zaključke Radne grupe imenovane Rješenjem Općinskog načelnika vezano za režim saobraćaja u "Titovoj" ulici, Općinski načelnik prema ukazanoj potrebi, donosi

RJEŠENJE

1. Utvrđuje se privremeni režim saobraćaja u ulici "Titova" u Tešnju na slijedeći način:

- Zabranjuje se saobraćaj za sva teretna motorna vozila preko 3,5 t ukupne nosivosti,
- Zabranjuje se saobraćaj za sva motorna vozila u periodu od 17,00-7,00 sati radnim danom i vikendom od 11,00-7,00 sati,
- U dane pijace (utorkom i petkom) zabranjuje se saobraćaj u periodu od 7,00-12,00 sati i od 17,00-7,00 sati,
- Zabranjuje se parkiranje za sva motorna vozila u periodu od 0-24,00 sati.

2. Novo odvijanje saobraćaja bit će regulisano i pokretnim zaštitnim stubovima kojima će se upravljati izdatim karticama, kroz posebnu evidenciju korisnika.

3. Privremeni režim saobraćaja će ostati na snazi do donošenja nove Odluke a primjenjivat će se od 11. januara 2016.godine.

O b r a z l o ž e n j e

Imajući u vidu član 12. Odluke o organizaciji i sigurnosti saobraćaja na cestama gdje se u pojedinim ulicama i dijelovima ulica saobraćaj može potpuno ili djelimično ograničiti iz posebnih razloga sigurnosti ili urednog odvijanja saobraćaja, a shodno:

- zaključcima Radne grupe za utvrđivanje prijedloga režima saobraćaja u ulici "Titova" u Tešnju,
 - postavljenim zaštitnim stubovima, i
 - izgradnjom novog kolovoza bez ivičnjaka i horizontalne signalizacije,
- iskazala se potreba za novim načinom odvijanja saobraćaja u navedenoj ulici.

Ova privremena mjera bit će na snazi do donošenja odluke Općinskog vijeća kojom će se preciznije definisati način odvijanja saobraćaja u navedenoj ulici kao i pripadajućim ulicama a primjenjivat će se od 11. januara 2016. godine.

Imajući u vidu naprijed navedeno, riješeno je kao u dispozitivu rješenja.

Dostavljeno:

1. PS Tešanj,
2. Web stranica općine
3. Služba za fin, priv kom i insp poslove
4. a/a

OPĆINSKI NAČELNIK

Mr. Sc. Suad Huskić, profesor